

## II - ARABAKO LURRALDE HISTORIKOAREN TOKI ADMINISTRAZIOA

### VITORIA-GASTEIZKO UDALA

#### GIZA BALIABIDEEN SAILA

**Saray Zárate Fernández de Landa andrea Vitoria-Gasteizko Udaleko Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea**

Saray Zárate Fernández de Landa andrea Vitoria-Gasteizko Udaleko Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea erabaki zuen Vitoria-Gasteizko Udaleko Gobernu Batzarrak 2021eko urtarrilaren 22an, alkate lehendakariak hala proposaturik, urte bereko otsailaren 3ko ondorioekin. Erabakian bertan jaso zen izendapenak indarrean jarraituko zuela hura lanpostutik kendu edo legeak aginduta handik kendu behar izan arte.

2010eko ekainaren 25ean behin betiko onespena eman zion udalbatzak Vitoria-Gasteizko Udalaren Gobernuaren eta Administrazioaren Araudi Organikoari, non arautzen baitira, besteak beste, gobernuaren eta administrazioaren oinarriko mailak, eta horien funtzionamendua, antolaketa eta erregimen juridikoa xedatzen.

Araudi horretan berariaz arautzen dira zuzendaritza organo motak, horien zereginak zein izendapen erregimena, eta horrekin lotuta, 44. artikulua honela dio:

“1. Tokiko Gobernu Batzarrak izendatu nahiz kargutik kenduko ditu koordinatzaile nagusiak eta zuzendari nagusiak nahiz antzeko organoak.”

Eta 2. paragrafoan honela jarraitzen du: “Toki Araubidearen Oinarriak arautzen dituen Legearen 130.3. artikuluan xedatutakoaren arabera izendatu beharko dira.”

Aipatutako 130.3 artikulua, berriz, hau xedatzen du: “Koordinatzaile nagusia eta zuzendari nagusia, gaitasun profesionala eta esperientzia aintzat hartuta, Estatuko, autonomia-erkidegoetako eta toki-entitateetako karrerako funtzionarioen artean izendatuko dira, edo A1 azpitaldean sailkatutako multzo edo eskaletako gaikuntza nazionalako funtzionarioen artean, salbuespen gisa; eta udal-erregelamendu organikoak ahalbidetzen badu, titularrak ez du zertan funtzionarioa izan beharko, zuzendaritza-organoren horietako eginkizunen ezaugarri bereziak direla-eta”. Vitoria-Gasteizko Udaleko Gobernuaren eta Administrazioaren Araudi Organikoak jaso du aukera hori, eta, horrenbestez, beharrezkoa denean, zuzendaritza-organoen lanpostuak funtzionario ez direnek edo lanpostu horiek betetzeko eskatzen den titulazioa ez dutenek bete ahal dituzte.

Aurreko paragrafoan adierazitakoaren ildotik, proposatzen da Saray Zárate Fernández de Landa andrea Vitoria-Gasteizko Udaleko Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea.

Horrenbestez, Vitoria-Gasteizko Udalaren Gobernuaren eta Administrazioaren Araudi Organikoaren 44. artikulua — Tokiko Gobernu Batzarraren esku uzten baitu zuzendari nagusiak izendatu eta lanpostutik kentzeko eskumena — eta Toki Jaurbidearen Oinarriak arautzen dituen apirilaren 2ko 7/1985 Legearen 124.4.b) artikulua — Tokiko Gobernuaren Eraberritzeko abenduaren 16ko 57/2003 Legeak aldatua — xedatutakoarekin bat etorritik, alkateari dagokio udal-administrazioaren zuzendaritza, eta, ondorioz, proposamen hau egiten dio Tokiko Gobernu Batzarrari:

Erabaki-proposamena

Saray Zárate Fernández de Landa andrea Vitoria-Gasteizko Udaleko Lurraldearen, Klimaren aldeko Ekintzaren, Mugikortasunaren eta Espazio Publikoaren Arloko koordinatzaile nagusi izendatzea, 2021eko otsailaren 3ko ondorioekin.

Vitoria-Gasteizen, 2021eko urtarrilaren 26an

*Alkate-lehendakaria*

*GORKA URTARAN AGIRRE*